

ქედის მუნიციპალიტეტის საკრებულოს საფინანსო-საბიუჯეტო კომისიის 2024 წლის ანგარიში

ქედის მუნიციპალიტეტის საკრებულოს საფინანსო-საბიუჯეტო კომისია წარმოადგენს მუდმივმოქმედ ორგანოს და შექმნილია საკრებულოში საკითხების წინასწარი მომზადებისა და გადაწყვეტილებათა შესრულების ხელშეწყობის მიზნით.

კომისია, საანგარიშო პერიოდში, თავისი საქმიანობის განსახორციელებლად ხელმძღვანელობს ადგილობრივი თვითმმართველობის კოდექსით, ქედის მუნიციპალიტეტის საკრებულოს რეგლამენტით, საფინანსო-საბიუჯეტო კომისიის დებულებით და სამუშაო გეგმით.

საანგარიშო პერიოდში საფინანსო-საბიუჯეტო კომისიის მიერ ჩატარებულ იქნა 12 სხდომა. სხდომებზე განხილულ იქნა, როგორც სამუშაო გეგმით გათვალისწინებული, ასევე შემოსული საკითხები.

- საფინანსო-საბიუჯეტო კომისიის კვარტალური გეგმები;
- მერიის სტრუქტურული ერთეულების მიერ გაწეული საქმიანობის შესახებ ანგარიშები;
- მუნიციპალიტეტის დაქვემდებარებაში არსებული ორგანიზაციების მიერ გაწეული საქმიანობის შესახებ ინფორმაციები;
- მუნიციპალიტეტის 2024 წლის ადგილობრივ ბიუჯეტში განხორციელებული ცვლილებები, რაც განპირობებული იყო ინფრასტრუქტურული პროექტების, ჯანდაცვისა და სოციალური პროექტების, სოფლის მხარდაჭერის პროგრამების უზრუნველყოფის ხელშეწყობის მიზნით.
- 2025 წლის ადგილობრივი ბიუჯეტის პროექტი.

საფინანსო-საბიუჯეტო კომისია საანგარიშო პერიოდის განმავლობაში მონაწილეობას ღებულობდა მუნიციპალიტეტის სოფლებში გამართულ შეხვედრებში, სადაც მოსახლეობის გადაწყვეტილებით შეირჩა პრიორიტეტები და გადანაწილდა შესაბამისი დაფინანსებები სოფლის მხარდაჭერის პროგრამის ფარგლებში.

კომისია ორიენტირებული იყო მოქალაქეების ინფორმირებულობასა და აქტიურ ჩართულობაზე, რათა მუნიციპალიტეტის ძირითად დოკუმენტში, რომელსაც წარმოადგენს ბიუჯეტი, ასახულიყო მუნიციპალიტეტის მოსახლეობის ძირითადი მოთხოვნები.

კომისიამ, კანონით დადგენილ ვადებში, უზრუნველყო 2025 წლის ადგილობრივი ბიუჯეტის პროექტის მიმართ დარგობრივი კომისიების მიერ წარმოდგენილი წინადადებების განხილვა. ბიუჯეტის პროექტში შესატან ცვლილებებთან დაკავშირებით შემუშავებული წინადადებები გადაგზავნილ იქნა კომისიის მიერ მუნიციპალიტეტის მერიაში გასათვალისწინებლად. მერიამ განიხილა საკრებულოს საფინანსო-საბიუჯეტო კომისიის მიერ წარდგენილი წინადადებები, რომელიც ძირითადად ეხებოდა

ინფრასტრუქტურულ პროექტებს, რაც შემდგომ აისახა 2025 წლის ადგილობრივ ბიუჯეტში.

საანგარიშო პერიოდში კომისიის მიერ შესწავლილ იქნა ბიუჯეტში თანხების შიდა მონაცვლეობის აუცილებლობის მიზანშეწონილობა, ასევე ბიუჯეტის შესრულებისა და სარეზერვო ფონდის ხარჯვის შედეგები.

საანგარიშო პერიოდში წარმოდგენილ იქნა სამართლებრივი ინიცირება ნორმატიული სამართლებრივი აქტის პროექტზე - „ქედის მუნიციპალიტეტის ტერიტორიაზე სათამაშო ბიზნესის მოსაკრებლის შემოღებისა და განაკვეთების განსაზღვრის შესახებ“ ქედის მუნიციპალიტეტის საკრებულოს 2018 წლის 31 აგვისტოს №35 დადგენილებაში ცვლილების შეტანის თაობაზე.

წარმოდგენილი დადგენილების პროექტის ძირითადი არსი იყო შემდეგი პუნქტების დამტკიცება:

„დ) სისტემურ-ელექტრონული ფორმით ორგანიზებულ თამაშობებზე:

დ.ა) სამორინის თამაშობებზე – კვარტალში 250 000 ლარი;

დ.ბ) სათამაშო აპარატების თამაშობებზე – კვარტალში 250 000 ლარი;

დ.გ) ტოტალიზატორის თამაშობებზე – კვარტალში 250 000 ლარი;“

„ე) ლატარიების მოწყობაზე – ლატარიის რეალიზებული ბილეთების ჯამურ ღირებულებასა და საპრიზო ფონდს შორის სხვაობის 10%;“

ქედის მუნიციპალიტეტის საკრებულოს საფინანსო-საბიუჯეტო კომისია, კანონმდებლობით დადგენილი წესის შესაბამისად, თავისი კომპეტენციის ფარგლებში განაგრძობს საქმიანობის განხორციელებას.